

)(2^r

Dem hochwirdigsten in Gott

Vatter vnd Herren/ Herren Herman Ertzbischofen
zû Cöllen/ des Heiligen Römischen Reichs in Welfchenlan-
den/ oder durch Italam/ Ertzcantzler vnnd Churfürsten/ Hertzogen
in Weftphalen vnd Engern/ vnd Administrator zû
Paterborn/ meinem genedigsten
Herren.

Gnad vnd frid von Gott dem Vatter vnnd dem
Herren Jezu Chriſto/ ſampt vollkommener benedeiung
des Euangelij mit beharlichkeit biß ans ende/ durch den
Hertzogen des glaubens/ vnd den vollender Jefum.

ES iſt zwar als ein greuwliche vnnd ver-
derbliche ſchmach vnd verachtung vnſers Gottes vñ Hei-
lands/ vnſers eynigen oberſten Königs/ Prieſter vnd Ertz-
hirtens/ Biſchoffs vnd meiſters Jezu Chriſti/ daß ſie kein
Menſch genüg groß vnd abſcheulich machen kan: ſo man
von warer Chriſtlicher reformation vnd befferung der Re-
ligion vnd Kirchen/ reden vnnd handeln foll/ nach eigner
andern Kirchen tradition/ leer vnnd ordnung fragen/ ehe
man das alles auff das aller fleiffigſt erfüchet/ angeſe-
hen/ erwegen/ angenommen/ vnnd ins werck gebracht hat/ das vns derſelbig vnſer ober-
ſter Prieſter vnnd leerer durch ſich ſelbs vnnd ſeine lieben Apoſtel in den vier heiligen
Euangelien/ Geſchichten vnd Epiftlen der Apoſtlen/ ſo klar vnd vberreichlich verord-
net/ befolhen/ vnd auch wol zûuerſtehn hat gegeben. Dann wir ja alle bekennen/ das die-
ſe Bücher Canonici ſind/ vnnd daß in denen vns nichts iſt fürgeben/ denn das lauter
wort/ ware vnd reine leer Gottes/ vnd vnſers eynigen Heilands Jezu Chriſti.

Welcher Chriſt könnte denn auch gedencken/ daß ſo vns der heilig Geiſt hat dieſe
gnad wöllen thun/ die leer/ vnd die ware vnd einige Religion Chriſti/ auch in Schriff-
ten vns zûuerlaſſen/ daß er vns in denſelbigen Schrifften nicht ſolt die notwendigſten
ſtück zû allem Göttlichem leben/ auff das aller vollkomneſt vnd lichteſt haben dargege-
ben? Denn welcher weiſer vnd getreuer Vatter/ der ſeinen lieben Kindern ſeine vetter-
liche leer vnd befehl/ vber ſein mündtlich vnderricht vnnd vermanen/ auch in ſchrifkten
wolte verlaſſen/ könnte daß an jm ſelbs haben/ daß er in ſolcher ſchiff nicht ſolte die für-
nemſten vnd notwendigſten ſtück ſeiner vnterweiſung vnd befehl begriffen/ vnnd das
auch ſo klar vnd gantzlich/ daß ſeine Kinder vnd nachkommen/ alle (die anders gefinnet
werden ſolchs jres Vatters leeren volg zûthun) dieſelbigen jres Vatters leere vnd befehl
in ſolcher ſchriſt eigentlich vnd wol verſtehn möchten/ on einige weitere declaration/
oder zugethane ordnung anderer leuten/ die dem Vatter erſt nachkommen? Alſo iſt auch
kein weiſer/ getreuer leerer oder gefatzgeber/ der ein kunſt oder gefetz in ſchriſt verfaſ-
ſet dargeben wölle/ der nicht die haupt vnnd notwendigſten ſtück derſelbigen künſt oder

Reforma-
tion der kir-
chen nach
Gottes
wort.

Canonici
libri.
In den Ca-
nonicen
bü-
chern alle
notwendi-
ge ſtück zû
göttlichen
leben dar-
geben glei-
chnuß eins
vatters ge-
gen kindē.

des gefetzes in fólches feiner fchriefften alfo reich vnnd vollkommenlich vergreiffe vnnd
dargebe/ daß demnach alle die funft willen haben/ vnd fleiß wóllen ankerē/ fólche kunft
zúlernen/ oder gefetz erkennen vnd halten/ dieselbige kunft vnd gefetz auß fólcher fchriefft
wol erkennen vnd lernen mógen/ on weiter erklären vnd herzúgethon leeren.

Wol ift war/ die erften Kinder/ die jres Vatters mündtliche leer mit feiner ge-
fchriefft felbs vernommen/ kennen jres Vatters leer vnd befelch: wie auch die jenigen/
) (ij fo

)(2^v

Vorrede.

fo den der ein kunft zum erften geleert/ oder ein gefetz den verftand vnd meinung der gefetzen erftlich gegeben/ felber gehöret/ ein jede kunft oder gefetz/ auß der gefchrifft die ein fölcher verlaffen/ in vilen dingen better vnnd völliger vernemmen/ denn die/ fo ein fölcher leerer oder gefetzgeber nicht felber gehört haben. Wie aber dem/ fo bleibet doch das gewiß vnd war/ ifts ein weifer/ getreuer Vatter/ leerer oder gefetzgeber/ der feinen befelch/ leer oder ordnung den feinen in fchrifftten wil hinder jm laffen/ diefelbigen feine befelch/ leer vnd ordnung auß fölcher feiner fchrifft alle zeit zuerkennen/ vnd zülernen: fo würde er auch diefelbige feine fchrifft dermaffen ftellen/ vnd in deren was das nötigft vnnd befte ift/ fo völlig vnd leicht dargeben/ daß die nachkommen/ fo fie allein wöllen/ vnnd auch etwas fleiß ankeren/ auß fölcher fchrifft wol erkennen vnnd lernen mögen/ was fölches Vatters/ leerers vnd gefetzgebers will/ meinung vnd leer gewefen ift/ auch on einigen weitem bericht/ vnd zügethaner leere.

So dann vnfer Gott vnd Herr der ift/ der allen Menfchen allen rechten verftand vnd weißheit verleihet/ vnd mag kein größere trew vnd liebe fein/ dann die er gegen vns hat/ der fein Seel für vns in tod geben hat: wer folte dann nicht (der anders diß ein wenig zühertzen für vnd betrachtet) von gantzem hertze erfchrecken/ ab der grewlichften fchmach difes vnfers allein weifen vnd recht getreuen leerers vnnd meifters Jefu Chrifti/ welche jm alle die beweifen/ die nicht bekennen/ das auch er vnfer aller getreuwelter meifter vnnd Heiland/ vns in feinen heiligen fchrifftten alles das vns zü vnferm heil züwiffen/ nutz vnd dienftlich ift/ alfo richtig/ klar vnd reichlich dargegeben habe/ daß wir daffelbig auch allein auß difen feinen fchrifftten/ on alle weitere leer vnd vnderichtung der nachkommen/ wol verftehn vnnd erlernen mögen/ fo wir allein in der warheit wöllen/ vnnd vmb den eynigen gewiffen außleger difer fchrifft/ den Heiligen Geift/ treuwlich bitten.

Sölchs bekennen nun je die nicht/ fo man von Reformation der Kirchen vnnd Chriftlichs lebens fraget/ vnd handeln foll/ nicht wöllen waß die leer vnfers Heils vor allem auß den Euangelien vnd anderen Apoftolifchen vnnd Prophetifchen fchrifftten/ mit ernftlichem betten vmb die erklerung deß heiligen Geifts/ gefüchet vnd vernomen werde/ ehe man fich in einigen menfchlichen leeren vn̄ erhaltungen etwas erfehe: fölchs geben vnferm eynigen Himlifchen meifter der ewigen weißheit deß Vatters vnferm Herrn Jefu Chriſto fouil ehr nicht/ als doch jede fromme kinder jrem Vatter/ vnd jede rechtgefchaffene jünger jrem meifter geben. Dann welche kinder/ die jres Vatters befelch auch in fchrifftten von jm empfahe: follten nicht diefelbigen fchrifftten/ wa fich vō jres Vatters befelhen etwas mißuerftands vnder jnen zütrüge/ vor allem befehen vnd erwegen wöllen/ eh fie jemand anders daruon züfragen oder zühören gedechten.

Welche Ariftotelici philofophi/ wa fie fich der meinung Ariftotelis jrgend jn/ in vngleichen verftand befunden/ follten nicht auch züm erften fein/ des Ariftotelis gefchrifftten felbs befehen/ vor allen commentarien/ auch der ältiften/ fo vber Ariftotelem gefchriben haben? Welche Artzet wurden in zweyträchtigen difputationen von der artz

Schmach
Chrifti/ fa-
gen er ha-
be nicht al-
les geleert

Feind der
waren Re-
formation.

Aristoteli-
ci befragē
Ariftotelē.
Chriftē fra-
gend nach

Christi worten.

ney nicht auch ehe die scharfften Hippocratis/ Discoridis vnd Galeni erfuchen/ dann eyniger/ die hernach von der artzney/ oder vber die Bücher Hippocratis vnd Galeni geschriben haben? Welche recht geleerten lehen auch nicht vor allē was die wort des gesetzts felbs vermögen?

Darumb fa ein aller grewlichste schmach der ewigen/ Göttlichen weißheit vnd liebe gegen vns das sein muß/ in fragen vnd handlungen von der Religion/ nicht vor allem die heilig scharfft/ vnd fürnemlich die also liechten Euangelien vnd scharfften der Aposteln erfuchen vnd erforschen: vnd auch was man darein eigentlich/ vnd on einige fernere disputation züberlernen hat/ on einiges weiter bedencken/ wider annehmen/ vnd ins werck richten vnd bringen.

Was man in Euangelischer vnd

Dañ wir ja gantz liecht vnd vberreichlich in den Euangelien vnd Apostolischen scharfften fürgeschriben vnd dargeben haben/ was leut man zum kirchendienft erwelen/
wie

)(3^r

Vorrede.

wie vnd was sie leeren vnd schaffen sollen: Wie sie die heiligen Sacrament/ Tauff/ Abentmal vnd hend aufflegen/ mit allen kirchenubungen verrichten/ wie sie die artzney der buß gegen den sündigen heilfamlich gebrauchen sollen. Warum solten wir daß nit zum erften in dem allem wider annehmen vnd ins werckrichten/ das so ein jeder Christ in den exemplen vn̄ leeren vn̄ers lieben Herrn Jesu Christi/ vnd seiner Apotel/ hieuo so klar vn̄ eigentlich sihet vnd erkenet/ deß Herren gebott vn̄ befehl sein/ das daran bey nie mand eigener zweiffel befunden wird/ wa man die helle Soñe hat der leeren vnd thaten vn̄ers lieben Herren Jesu Christi/ solle man erft fragen nach einē duncklen liecht menschlichs wiffens?

Wol ist war/ vil ort diser heiligen schrift möchten wir besser verftehn/ so wir besser so wir den Herren/ wie die liebē Apotel/ selbs gehört/ oder aber der Apotel verstand vn̄ praxim in dem eigentlich beschriben hetten. Dife ort aber der heiligen Schrifften/ sind vns entweders zuwissen nicht von nöten/ oder der heilig Geift würde vns sie auch gewißlich zu warer besserung gleich zu verftehn geben: wa wir dz alles/ das er vns in disen feinen Schrifften schön klar vnd gewißlich zuuerftehn geben hat/ von gantzem hertzen annehmen/ vnd ins werck bringen. Vnd dieweil dem also/ so hat der Herr vns auch weiteren gewiffen vnderricht von der Religion nicht wollen geben.

Dañ ob er vns wol in den büchern der lieben vättern vil herrlicher erklärung vnd zeugnuß/ deß er vns in feinen heiligen Euangelien vnd Apotelischen Schrifften verlassē/ gegeben: so sind doch dieselbigen erklärungen vnd zeugnuffen alle mit so vil menschliches vngewiffes wohns vermischet/ daß die lieben Vätter selbs zeugen/ daß man jnen weiters nit glauben solle geben (wie sie auch selbs einander nicht weiters glaubē geben haben) daß souil ein jeder seine leeren vnd fürgeben mit der Göttlichen schrift/ oder klaren vnd vnwiderprechlichen vrsachen erweise. Derhalben wie alle liebe Väter mit jren exempeln vnd leere bezeugen/ muß alle leer vnd wares vrtheil von den Religionen/ auff der einigen / Göttlichen schrift bestehn vnd beruhen. Daher auch komēt/ daß auch die allgelertisten Vätter in gar vilen ortē nicht allein nit alle miteinander stimmen/ sonder offft/ auch nit alle zeit mit jnen selbs. Daher der heilig Augustin⁹/ der warlich mit den allgelertisten vnd Gottfeligsten gewesen/ zwey gantze Bücher verlassē/ darin er seine vorige Schrifften vnd leeren verbessert hat.

Die widerwertigen Christlicher Reformation schreiben vnd sagen vil von den Apotelischen traditionen/ leeren vn̄ ordnungen/ welche die Apotel den Kirchen/ als sondere Schrifften verlassē sollen haben. Welcher aber von allen bewerten heiligen Vättern berümet sich diser Traditionen gewißlich/ weiters daß souil belanget die vergwiffung von den war Apotelischen vnd Prophetischen Schrifften/ die man Canonē nennet Sanctorum Librorum. Vnd daß von dem gemeinen verstand der hauptarticul vn̄ers Christlichen glaubens/ wie der im gemeinen Symbolo Apotelorum verfaßt ist: wie wol von etlichen büchern/ die wir gern als Apotelisch halten/ als von der Epistel zu dē Hebreern/ die ander Epistel Petri/ die ander vnd dritte Johannis vn̄ Jacobi/ vnd Jude.

Apotelischer schrift habe.

Wann ein wolck in d⁹ schrift scheinē/ der ist gegen der Soñen zu heben.

Bücher d⁹ Väter.
Wie ferre man den Vättern glauben sol.
Väter stime oft nie mit einander/ oft mit jnen selbs nit.
Augustin⁹
2. Bücher Retractationum Traditiones Apotelorum.

Canon sanctorum librorum.

Jtem Apocalipsis bey den eltiften kirchen/ noch nit ein gantz gewiffe erkañtnuß vnd hal
eung gewefen ift: wie das vnfer Eufebius im dritten büch meldet.

Waher hat man nun dife bücher hernach in die Kirch also hoch auffgenommen?

Warlich nit von einiger Tradition/ dañ man fie nit gehåbt: fonder daß man fie mit
den andern gewiß Apoftolifchen Schrifften hat gleichhellig befunden.

Alfo haben auch die lieben Vätter den Apoftolifchen verftand vnfers glaubens
nit endlich auff die Traditionen/ fonder auff die klaren Schrifften der Propheten vñ
Apoftlen gegründet/ wie man das bey den heiligen Vättern/ Ireneo/ Tertulliano/ den
aller eltiften/ deren Schrifften wir haben/ zůfehen hat.

Vnfer Eufebius meldet im anzognen büch/ Cap. 36. wie der heilig Jgnatius/ der
den Antiochenifchen kirchē/ der ander nach S. Peter/ vorgewefen foll fein/ vō jm felbs
gefchriben/ daß er die Apoftolifchen Traditionen ane gefchrifft vbergebene leeren/ habe
) (iij den gelaffen.

Merck/ vn
fer glaub
gründet
fich nicht
auff Tra
ditionen.
Jgnatius
hat die tra
ditionē be
fchribē/ vn
den kirchē

)(3^v

Vorrede.

den kirchen jre sicherheit/ damit den nachkomēnen nichts vngewiffes were/ in Schrift verfaftet gelaffen. Wiewol aber vnser Eusebius diß geschriben hat/ im jar 320. so nicht ein lange zeit/ nach dem tod Jgnatij deß marterers/ der gelebt im hundert vnnd eilfften jar/ noch hat er diß bûch Jgnatij nit gesehen. Etliche Epistel die er geschribē/ vermeldet Eusebius. Wa sind aber auch dieselbigen hinkomēn? Dañ das gedicht das der gût Stapulensis hat außgehn lassen/ hat wol etwas kindlich zûrhmē/ auff die meldûg Das ander aber ist dermassen zûfammen geraflet ding/ daß es den nammen Jgnatij bey keinem alten hat ertragen mögen/ vnd noch bey keinem verftendigen Christen tragen mag.

Vnser Eusebius gedenckt das Papie/ eins jûngern S. Johannis Euangelisten/ der fûnff bûcher foll geschriben haben/ vnnd jnen den Titel geben haben/ Erklerung der worten deß Herren. Er aber/ der Eusebius/ hat schon zû seiner zeit mehr daruon nicht gehabt/ dann er jm Ireneo bezeuget/ gefunden.

So nun vnser lieber herr Jesus je will/ daß seiner lieben gemeinden vnd gesponßē nichts abgange/ an allem dem das jr zû gewiffer leer des glaubens in einigen weg dienen mög/ vnd hat derhalben jr aber mit so großem wunder allein die Biblischen geschribten erhalten/ vnd dañ auch woll viler Vetter (aber deren/ die alles durch die heiligen schariften bewerē/ vnd on deren bewerbung nichts gelten wōllen lassen/ es seien die als geleert vnd heilig gewesen/ als sie haben sein mögen) warumb hat er deñ seiner geliebten gemahel nicht auch erhalten/ die bûcher Jgnatij/ Papie/ oder anderer/ darinn man hette der Apofstel Traditionen fein bey einander gehabt/ vnd möchte sich darauß aller spānen deßftobaß entscheiden?

Das were ja ein schwere lāterung Christli/ sagen daß er sein Kirche an etwas nutzlichem hette verlassen/ so er doch sein blût für sie vergoffen/ vnd jr nit allein die sichtbare welt/ sonder auch die Engel zû dienern/ vnd alles ergeben hat/ j. Cor. iij. Ephes. j. iij. Daß auch der Herr zû seinen Apofstlen sagt/ Johannis am 15. Cap. hat er seiner gantzē gemeine versprochen/ vnd leitets jr biß zû end der welt alle tag: darumb er jr auch verheiffen alle tag biß zû end der welt bey jr zûsein. Euch aber (sagt er) hab ich freunde geheiffen: denn alles was ich von meinem vatter gehōrt/ hab ich euch kund gethon. Kundt gethan/ spricht er/ nit allein gefagt/ oder fürgeben. Darumb wirdt das bey allen waren Christen/ wie es auch bey allen bewerten Vātern geltanden ist/ sonder allen zweifel geschlossen werden/ Daß vns alle Christliche leere/ alle ware/ Apofstolische Traditionen in den Prophetischen vnd Apofstolischen geschribten überflûssig dargegeben sind. Also wa wir vns zû dieser geschribt recht keeren/ vnnd haben sie mit warer Gotsforcht vnnd ernstlichem bitten vmb den heiligen geift/ den einigen waren außleger diser geschribten lesen/ erwāgen/ in der gemeine des Herren/ vnnd sunft gern hōren/ von allen denen die vns der Herr darzû beruffen vnd begabet/ fürgeben hat. Vnd denn auch souil wir dariñ allemal wol verftehn/ hertzlich annemen/ vnd ins werck richten/ bey vns vnd andern/ so vil jedes beruff erfordert/ daß vns an einiger heilfamen vnd nützlichen leer der Gottfelig

Eusebius hat d3 bûch Jgnatij de traditionibus nit gesehen. Eusebij.

Papias Johānis Euangeliste jûnger. Wûder d3 die Biblische schariften erhalten.

Johan. 15. Jch habe euch noch vil zûsagē.

Weß man in den Prophetischen vnd Apofstolischen geschribtē hab.

keit überall nichts manglen oder abgehn möge: wann gleich ein einiger büchftab vonn der Religion nit mehr auff erdtrich were: vnd daß vns auch mehr befürderung zûr gottfeligkeit nit bringen wurde/ wann wir gleich alle vermeldten vndergangene/ vnnd anch vil mehr gefchriefften der alten hetten/ vnd auch deren/ welche die Apoftel felbs gehört/ vn̄ jren brauch gefehen haben.

In der reformation auff die Biblisch gefchriefft zûfehen.

Derhalben werden alle ware Chriſten/ wañ von Chriſtlicher Reformatian zû handeln iſt/ vor allen aller heiligen Vätter gefchriefften/ die feien berhûmt von lere vnd heiligkeit als hoch ſie immer mögen/ die Göttlichen bücher/ die ſo liechten Euangelien/ Gefchichten vnd Epiftel der Apoftlen/ auffſ aller fleiffiges befehen: vnd weiß ſie vns darin fürgefchriben/ befinden/ mit gantzem hertzen annehmen/ vnd ins werck bringen. Vnd demnach erft befehen/ aber allein bey den heiligen bewerten Vättern/ vnd bey den elteſtē zûm fürnehmſten (dañ das erft war/ das hernacher koñen falch iſt/ wie der Tertullianus anzeigen)

)(4^r

Vorrede.

anzeigt) wie die alten kirchen die leer vnd ordnung des Herren verftanden vnd gehalten haben. Vnd das demnach mit dermaffen/ daß wir alles/ auch der aller ältiften/ verftand vnd haltung in der Relion/ gegen dem allein gantz gewiffen wort Gottes vns in feiner vorgefchrifft vorgegeben halten/ vnd dadurch richten vñ beweren/ wir föllen ja die herrlichen gaben Gottes vns durch die lieben Vetter verlaffen/ vnd durch fo wunderbare gnad Gottes/ biß auff vns erhalten/ nicht verachten. Aber fie doch auch in jhrem grad/ vnd als dienft Gottfeliger menschen/ die jimmer mangelhaftig bleiben/ in jhrem grad/ vnd nicht dem ewigen gewiffen Gottes wort gleich halten.

Weil auch gewiß/ daß die lieben Apoftel alle leer Chriftlicher Religion/ wie auch Tertullianus zeuget/ den Kirchen mit jrem blut zum vollkommeften außgoffen haben/ muß man ja auch wol darauff fehen/ was warlich Catholicnm Allgemein ift in der Kirchen Chrifti/ das ift wie es Vincentius Lirinensis/ wol befchreibet/ daß vonn den Chriftten allen/ allwegen vnd allenthalb/ als Chriftlich vnnd recht/ erkennen vnd ghalten ift worden. Denn mir vnfer Herr Johannis fünfftzehen/ vnd Paulus Actor. 15. felbs zeugen (darauff auch Ireneus vnd Tertullianus die prefcription wider alle ketzereyen vnd falche lehren recht grundtueften) alfo zweiflet daran kein rechter Chrift/ dz vnfer Herr Jefus Chriftus die gantz vollkommen lehr deß heils feinen jüngern vnd Apoftlen gentlich vnd zum eufferften (dermaffen/ die diefem leben gebürt) erklert/ hat zuerkeñen geben vnd alle Vålcker der welt zuleeren befolhen. Vnd daß auch diefelbigen jünger vnd Apoftel deß Herren diefe lehr zum aller trewlichften vñ aller volkommeften der Kirchen/ die fie jm verfamlet/ mit jrem blut außgegoffen haben/ vnd gar nicht fo ftückelecht oder tunckel/ daß fie der nachkommenden zufatz vñ erklärung bedörfft haben. Daß nemlich der Sorbonen zn [sic] Pareiß/ oder dem Stul zu Rom vorbehalten were/ mit jrem verklären/ definieren vnd befferen/ neue articul vnd ordnung der Religion zumachen/ wie fie fich mit Widerchriftlichem frefel vnterftanden.

Nun aber/ demnach fehr tröftlich/ vnd befferlich ift/ erkennen vnnd fehen/ wie der heilig Geift bey den lieben alten Chriftten vnd marterern/ vñ zu allen zeiten von anfang der Kirchen/ eben den verftand der Schrifft/ vnnd haltung der Religion geleert vnd erhalten hat. Denn der liebe Gott auch vns zu diefen letften zeiten mitgetheilt/ vnd denn auch bey vielen guthertzigen/ vnnd aber noch fchwachgleubigen Chriftten fie zum Herren gentlich zubringen hoch dienftlich ift/ jhnen klar darthun/ daß die widerwertigen Chriftlicher Reformation vns/ die folche Reformation gern befürdern wolten/ in dem fälchlich anklagen/ daß fie von vns außgeben/ wie wir die alten/ waren Chriftlichen leeten/ vnd haltung der Kirchen endern/ vnd neue jrthumb vnd vnordnung einfüren. So doch fie in allerley grewlichen/ newen jrrfalen/ vñ verkehrung der Religion/ wider allen Glauben vnd handlung der alten Kirchen gantz verfunckē feind/ welches ein jeder frommer Chrift eigentlich hat zuerkennen/ der etwas in der alten heiligen Vetter Schrifft gelefen hat. Der Herr wölle ja feine lieben gemeinen/ durch alle werck vnnd gaben feiner naden/ die er jr gibt vnd verleßt/ zur gottfeligkeit befferen vnd erbawen. Darumb muß

Gottes gaben in den Vetter zu lieben.

Apoftel habē lehr mit jrē blut außgoffen Wz Catholicū in der Kirchē ift.

Was Chriftus die jünger geleert Wie die Apoftel geleert.

Verftand der fchrifft im anfang Kirchen.

Anklagū der widerwertigen Chriftlicher Reformation.

ja nicht ein gering frommen der Kirchen bringen/ lefen vnd erkennen was Glaub vnnnd
gottfeligkeit er den alten verliehen.

Der vrfachen hab ich hieuor ins Teutfch vertolmetfchet/ vnd zum andern mal in
druck geben die Hiftoryen Eufebij Cefarienfis/ mit dem anhang der zweien Bücher
Ruffini vnnnd Caffiodori Senatoris/ die man nennet die dreigetheilte/ draumb daß fie
zufamen getragen ift/ auß den dreien Gefchichtfchreibern/ dem Theodoreto/ Socrate/
Sozomeno/ in welchen Hiftoryen Eufebius befchrieben hat das erft erbawen vnd vol-
gends erbreiten der Gemeinden Chrifti/ vonn der geburt vnfers Herren biß auff das
300. vnd etlich jar.

Ruffinus vom Concilio Niceno/ biß an den abfcheid Theodofij deß 1.

Caffiodorus von Conftantino biß auff Theodofium den 2.

Jn diefen allen dreyen Hiftoryen feind auch befchrieben die fürembften anfechten
) (iij der

Eufebius.
Tripartita
Verfolgüg
der Chriftē

)(4^v

Vorrede.

der Kirchen/ beide durch euffere verfolgung der tyrannen/ vnd innerliche zerftörung der falſchen lehren/ vnd andere zwytracht vnd gebrechlichkeit der Chriſten/ vnd auch dargegen die hülff deß Herren/ feinen gemeinden bewiefen/ durch allerley verbefferung vnnd Reformation/ damit deß Satans vnd Widerchriſts liſt vnd einfall abgetrieben/ vnnd gebrochen worden iſt. In dem auch die fürtrefflichſten zeugen vnnd werckzeug deß Herren vermeldet werden/ der lehrer der ältern Biſchoffen/ vnd andern Kirchendienern vnd gemeinen Chriſten. Jtem auch die Concilij in befondern Prouintzen/ denn von vielen Nationen verſamlet/ durch die der Herr ſeine Kirchen erftlich erbawen/ vnnd wider vom jrrthumb vnd abfall errettet/ gebeffert vnd reformiert hat. Deßgleichen auch die Chriſtlichen Keyſer vnd andere gewaltigen/ ſo zum Reich Chriſti gedienet haben. Alſo werden auch [sic] in dieſen Hiſtorien deß Satans vnd Widerchriſts fürtreffliche diener vnd werckzeug erzehlet von Tyrannen.

Nutz diſer
hiſtorien.

Derhalben dieſe Hiſtorien/ wo man ſie mit Gottsförchtigem hertzen leſen vnd erwegen wolte/ mercklichen frommen der Kirchen Gottes bringen werden/ nemlich zu diſen vnfern zum theil feligen zeiten (weil vns der Herr ſein heilig/ feligmachendes Euan geli ſo herrlich hat wider gefandt vnd außgehn laſſen/ vnd dadurch zu der ſo notwendigen vnd heilſamen reformation der Kirchen alſo vetterlich vn̄ gnediglich berüffet) zum theil auch betrübten zeiten/ weil der Satan ſich wider diß werck vnſers heils Chriſtliche reformation/ beide durch ſo grauſam verfolgung/ erſchreckliche ketzereien/ vn̄ andere ſchwere ergerniſſen/ alſo trutzlich ſetzet.

Apoſtel
zeit.

Denn in dieſen Hiſtorien hat man klar zuſehen/ was nach zeitlichem abgang der Apoſtel/ zun zeiten der heiligen martyrer/ die rechte form vnd weſen der gemeinden Chriſti/ die einig ware Religion Chriſti/ die gefunde leer/ der reine glaube/ die rechtgeſchaffnen haußhaltung der Kirchen gewefen ſey.

Chriſtliche
veformatiō
iſt kein ne-
werung.

Weil ſich denn diß mit dem/ das vns der Herr in den Euangelien vnnd Apoſtoliſchen Schrifften hat verlaſſen/ vergleicht/ ſo muß ja folches leſen vnnd erkennen/ den ſtarcken im glauben Chriſti vnd handlung vmb Chriſtliche Reformation der Kirchen/ nicht geringen troſt ond ergetzung bringen/ den ſchwachen ſtercke vnd beforderung zu diſem werck/ den widerwertigen ſcham̄ vnd ein niderſchlagen jres gottloſeu [sic] ſrefels. Denn man auß dieſem leben gantz klar vnd eigentlich erkennet/ daß die Chriſtliche Reformation der Kirchen/ die der Herr bey vns erweckt/ keine newerung iſt/ wie es die Widerchriſten mit offenbarer vnwarheit ſchelten/ ſondern ein widerbringung vnſer waren alten/ vnd einigen Religion/ vnd haußhaltens in der Kirchen Chriſti/ zu der einigen alten form vnd weiß/ die vns der Herr durch ſich ſelbs vnd ſeine lieben Apoſtel fürgeſchrieben/ vnd deren ſich die älteſten vnd allerbeſten Chriſten/ vnd theureſten martyrer/ ſo getrewlich vnd ernſtlich gehalten/ vnd drob mit folcher beſtändigkeit alſo viel erlitten/ vnnd ihr blut ſo gantz getröft vergoffen haben.

Satans li-
ftigkeit wi

Darneben hat man hierin auch das zuleren/ wie deß Satans vnnd Widerchriſts liſtige auffſetze/ vn̄ gewaltigen einfell/ wider die gemeindē Gottes/ es ſeye durch

der die
Kirch.

die eufferfte verfolgung der Tyrannen/ oder innerliche zerrüttung vnnd trennung der ketzer vnnd Schismaticen/ oder das hinfallen der fleischlichen menschen/ vnnd falsch berümpften Chriſten zubegegnen/ vnd den ſig wider den Satan vnd Widerchriſt/ zuelangen feie.

Anklagūg
d⁹ wid⁹wer
tigen Chriſtē
vber dē
Churfür^z
ftē zu Cōln

Die widerwertigen Chriſti/ vnd ewerer Churfürftlichen gnaden/ im werck Chriſtlicher Reformation/ auff kein ſchein der warheit/ fonder allein vertrōtet auff die macht deß Widerchriſts/ dōrffen ewere Churfürftliche gnad anklagen/ als ob ſie jm fürhaben Chriſtlicher Reformation wider die alten Traditionen/ vnnd ordnungen der Kirchen handlete/ weil ſie herbrachte Kirchen mißbreuch ändern/ on jhres Clery recht/ vnd deß Bapfts oder Concilij zugeben vnd brauch/ vnd brauche leut darzu/ ſo vom Bapft vnd jnen verworffen feind.

Wie

)(5^r

Vorrede.

Wie vnuerfchambt aber diß jr anklagen feie/ wird ein jeder Chrift leicht erkennen/ der dife Hiftorien lefen wil/ fie felb vnd mániglich fehen lángeft vnd greiffen/ wie dem armen volck Chrifti zúm hóchften von nóten ift/ das wie E: Churf. G. Chriftlich für hat/ das Geiftlich in den Kirchen/ von dem Weltlichen entlediget vnd befreiet/ vnnd alfo wider ins werck gerichtet werde/ damit die gemeynden Chrifti E. Churf. G. befohlen/ möchten wider mit fólchen Dienern/ die dem Geiftlichen/ der waren Seelforg/ gántzlich vnd treúwlich oblegen/ verfehen vnd bedienet/ vnd der fo gar árgerlichen vnd verderblichen mütlingen vnnd Wólffen (die die Pfaffen von wegen jres zeitlichen prachts vnd mütwillen/ fo jámerlich verderben/ mit falcher Lehr/ verkerten Ceremonien/ mißbráuch der Sacramenten/ mit fchandlichem leben/ vnnd ftátem berauben des zeitlichen) eyn mal erledigt/ vnd alfo der Kirchendienft in leer/ Sacramenten/ vnd allen andern Chriftlichen Ceremonien/ Ordnungen vnd zucht/ wider angerichtet vnd verrichtet werden/ nach dem befelch des HERren/ vnd der waren alten form vnd weiß/ wie das der HErr felbs eingefetzt hat/ vnd die alten waren Kirchen/ fo getreúwlich gehalten haben/ wie diefe Hiftorien glaubwirdig zeuget.

Das námlich dem volck Chrifti in den Kirchen alleyn die heyligen Gefchrifft/ vnd was darauß genommen/ vnd deren gántzlich gemáß ift/ vorgelefen/ gefungen oder geprediget werde/ mit aller andacht vnd ernft. Auch zu gütem verftandt alles Volcks vnd gewiffen pflanzung vnnd ftárcke des glaubens an vnfern HERren Chriftum/ der durch die liebe thátig fey zúm allen guten wercken/ bey allen erwólten Gottes. Daß auch die heyligen Sacrament vnd alle Ceremonien nach des HERren einfatzung/ vnd auch zúm warer erbauung dieses glaubens gehandelt vnd außgefpendet/ vnd die Chriftliche zucht/ zúbeförderung wares abfterbens des lúndtlichen Fleifches/ vnd beförderung des neúwen Góttlichen lebens/ geübet vnd gehalten wurde.

Damit das arm volck Chrifti eyn mal recht wider zúm Chrifto dem HERren gefúrt/ vnd von den fo fchweren greúwlichen Abgóttereien an den Heyligen jren Gebeynen/ vnd Bildern/ auch verkerten Ceremonien/ damit die Widerchriften alles vberfchüttet haben/ zúwar Chriftlicher Religion wider bracht würde.

Ja diß E. Ch. G. Chriftlich vnd notwendig fürhaben/ wiffen jre Cóltnifche vnnd andere falche ankláger des HERren erfter befelch/ vnd jr war Bifchofflich pflicht vnd ampt fein/ vermóg nicht alleyn der heyligen Gefchrifft/ fondern auch aller waren Apoftolifchen Traditionen/ aller alter Canonum vnd haltung der waren Kirchen Chrifti/ vnd deren aller getrauteften vnd bewertesten Diener.

Noch dórffen diefe Leút fürgeben/ E. Ch. G. möge nie gebüren/ in fólchen gewiffen vngezeifleten befelch vnd gebott des Allmáchtigen vnfers eynigen Gottes vnd Heylands nachzúkomem/ on bewilligung des Bapfts oder der Bápftlichen Concilij/ on rhat vnd gehell jrer Suffraganien vnd Clerj/ vnd mit dienft deren/ die diefen darzúm gefállig find/ die fie frembd vnd vnbeuert felchten. Als ob eynigem Chriften gebüren mög/ wann er Gottes klares gebott hat/ mit gehorfame deffelbigen verzeihen/ biß es

Merck/ d, Geiftlich von weltlichen in dē Kirchen befreiē. Das frome Hirten bekommen/ Wólff vnd Mietling abgetrieben.

Das allein die heilig Gefchrifft in den kirchē geübet. Glaub Liebe. Sacramēt nach der einfatzüg.

Abgóttereie an heyligen jren gebeynen.

Bifchofflich pflicht vnd ampt.

Eyn redde Cóltnifchē ankláger.

Das der Churfúrft frembde

auch den ellenden verdam̄ten Menſchen wollte gefallen.

Man leſe in diſen Hiſtorien/ wa zů der obern Patriarchen vñ Biſchofen zů Rom vñ
anderswa auffſehen ũber andere Kirchen vnd Biſchoffe/ wa zů auch die Chriſtlichen
Cantilien. Jtem der rhat vnd verwaltnuß gemeyner Biſchoffe gegen jrem Metropo-
litano/ auch jedes Clery mit ſeinem Biſchoffe dienen ſollte. Diß alles wiſſen die falſche
auklåger wol/ darumb in den Kirchen geordnet ſein/ daß eyn jeder Biſchoff dem beſelch
des HERREN in allen jetztgemeldten Biſchoflichen dienſten deſt beſſer nachkōne:
wa er daran verhindert/ daß jm ſólche hindernuß deſto ehe hin genommen: wa er darin
ån mig/ daß er deſt fůglicher darzů angehalten: vnd wa er daruon abgeſtanden/ wider
) (v darzu

vnd vnbe-
werte be-
růffen.

)(5^v

Vorrede.

darzû gebracht/ oder aber die Kirch fein erledigt werde. Keyn gewalt/ keyn ordnung/
keyn verwandtnuß ift/ oder mag in der Kirchen Chrifti fein/ von Obern/ gleichen/ oder
vndern/ jemandt/ vil weniger einem Biſchoff/ am befelch Chrifti zûuerhindern/ oder
eynigen augenblick auffzûfchieben. Denn keyn gewalt/ kein gemeynſchafft/ kein ord-
nung in der Kirchen mag fein/ dann zû warer befferung vnd auffbauung oller Gott-
feligkeit/ 2. Corinth. 10. 11.

Ob ein Bi-
ſchoff der
Biſchoffen
zuletztẽ ley.

Ja wenn die ſachen ſchon zweiffelhafftig ſind/ vnd nicht offenbar ift/ daß ſie wider
Gottes befelch ſind: demanach hat keyn Biſchoff/ auch nit der Rômifch Bapft/ über
die andern Biſchoffe gewalt/ jemand das ſo jeder befferlich achtet/ zûwehren: keiner hat
macht ſich ein Biſchoff der Biſchoffen zûsetzen/ wie der heylig Cyprianus recht zeu-
get/ ſondern jeder Biſchoff foll den andern in ſolchem ſein gewiffen vnd dem gericht
Gottes frey laffen.

Bapft Vi-
ctor.

Von dem Bapft Victore meldet vnſer Eufebius lib. 5. cap. 4. der doch ein heyliger
Mann war/ der wolte des Ofterfefts halben die andern Biſchoffe auff ſeiner Kirchen
weis tringen. das haben jm aber die andern Biſchoffe gewehret/ vnd wurffend jm ſey-
nes Vorfaren Aniceti Exempel für/ der Polycarpum in aller lieb vnd gemeynſchafft
Chrifti/ vnd des Biſchoflichen dienſts/ von ſich gelaffen/ da er jn ſchon auff ſein meyn-
ung nicht bereden kondte. So ift auch dem Rômifchen Biſchoff nie mehr beſonders
auffhehen befohlen worden/ dann vber die Italianifchen/ vnd nahe bey Rom gelegene
Kirchen/ die ſie Suburbicarias geheylffen haben. Des befehe man die erkanntnuß des
Niceni Concilij in Tripartita hiſtoria.

Wes der
Churfurft
zu Cöll ſei-
nen Suf-
fraganen
ſchuldig.

Souil dann belanget E. Churf. G. gemeyne Suffraganeos vnd eygen Clerum/
ift war/ in zweifelichen ſachen der Kirchen die menſchlichs rechts bedörffen: foll ein
Metropolitan die Biſchoffe ſeiner prouintzen/ vnd jeder Biſchoff ſein Presbyterum
vnd Clerum zû recht nemmen. Ja aber die waren Biſchoffe/ vnd ware in ſachen Chri-
ſti Suffragatores/ die waren Presbyteri vnd Cleri/ vnd auch die ſo begabet ſind/ daß
ſie in ſachen Chrifti zûrhaten wiſſen/ vnd treüwlich wöllen.

Der Bi-
ſchoff zu
Münſter.

Nun haben aber E. Churf. G. in jrer Reformation nichts vberall das eyniges
menſchlichen rhatens bedörffe/ ob mans thûn foll/ oder nit/ dann was E. Churf. G. da
wider bringet/ ſeind ding vom HERren offenbarlich gebotten vnd befohlen. Wol be-
dürffte man viel rhat vnd hülff/ das mans wider fûglich vnd kräfttig ins werck bräch-
te. Wer ift aber vnter E. Ch. F. G. Suffraganeen/ oder auch Clero/ hiezû willig vnd
begabet? Die Suffraganei/ außgenommen mein G. Herren zu Münſter/ rhûmen
ſich deſhalben nit: Alfo auch nicht die hoch vnd wolgebornen Herren jres Capittels:
Was dann die ſieben oder acht Prieſter/ vnd andere Canonici/ Vicariene Mönich
vnd Fratres/ die da greüwlich wider das Reich Chrifti ftûrmend/ verſtandt vnd eyfer
haben zû Chriftlicher verbefferung der Kirchen/ ift leyder meniglich nur zûuil erkant/
vnd ligt am tag/ in allen jren leeren vnd leben.

Wieviel ſind doch jren/ deren profeffion die Theology vnd leere Göttlicher ge-

fchrift feie? Dieweil ſie dann auch noch gedulden/ zům theyl auch ſelbs ſõlche predigē
thůn/ dariñ die Leut offenbarlich verleytet werden/ auff falſche vertrauen vnd Ab=
gõtterey an Heyligen/ deren beyne/ bilden/ an verkerte Meſſen/ vnd andere Cere=
monien/ vnd allem Sacrament der Kirchen.

Jtem/ dieweil ſie auch die Meſſen ſogantz verkeert wider den klaren befelch Chrifti/
vnd alle ware traditionen/ Canones/ vnd haltung der alten Kirchen ſelbs mit halten/
vnd das andern zůlaſſen/ vnd ſie dariñ befõrdern.

Jtem/ weil ſie auch den mehrer theyl/ beuor ab die Prelaten vnd rãdlinfůrer/
in deieſer auffrhůr wider E. Churf. G. Pfarren vnd andere Prebenden vberkom=
men/ vnd iñhaben/ mit õffentlicher Simoney vnd Sacrilegien/ wie diß die Cano=
nes erkennen vnd nennen/ auch in offenbarer vnzucht leben/ vnnd andern zůfe=
hen/ derhalben ſie die Canones gebieten inn allem Kirchendienſt zůmeiden:

ja die=

)(6^r

Vorrede.

ja dieweil es also bey disen leuthen steht/ vnd alle dise greuwel gantz offenbar am tag liegen/ ich wil doch hiemit niemand weiter beschuldigt haben/ dann jeden seine offenbare mißthat beschuldige vnd verdamt/ (fromer man/ nime dichs nit an) so verfluchte E. Churf. G. Gott/ vnd thette wider sein helles/ willentliches gebott/ wider alle Canones vnd Leges/ wo sie solche leuthe zuge oder zulieffe in den Rhat/ dauon Christlicher reformation solle/ nit in falschem schein vnd vergebenen geschribten/ vnd nichtigen worten/ wie jr brauch ist/ sonder zu wucklicher/ thatlicher besserung vnd reformation gerhaten vnd gehandelt werden.

Das erste vnd notwendigste in Christlicher reformation ist/ der Pfarren ware taugliche Diener/ die bey den Pfarren wonen/ vnd sie mit allen trauen vnd ernst in aller Gottfeligkeit erbauen/ verordnen. Biß wann aber wolten die Prelaten hiezú rhatē/ die neben vilen anderen prebenden vnd Prelaturen so manche pfarr in hand haben/ vnd berauben/ denen sie nie einigen monat die seelforg/ wie sich geburt/ verfehen hetten? Vnd darzu noch so ferr dauon sind/ daß sie solches besseren/ daß sie lieber noch mehr Prelaturen vnd Pfarren annehmen/ der sie jnen nur gebe.

Wie ist dann der gemein hauff der Clericci/ der Pastoren/ der Mönich/ zu disen sachen geschickt? Solche leuthe sollen Christliche bischoffe meiden/ vnd von allen kirche geschafften verstoffen/ nicht in die recht handlung Christlicher reformation ziehe. Der Herr sagt: Hutend euch vor den falschen Propheten/ die zu euch kommen in schafs kleideren/ 7c. wiewol dise auch gar wenig sich vmb schafskleider bekumeren/ lassen die wolfs zan vnd rachen wol sehen. Güte frucht muß man an guten boumen/ nit an bösen fuchen. Trauben vñ feigen muß man an feigenbaumen/ nit von dornen vnd distlen lesen. Außer dem lügenreich des Widerchritfs/ gilt er nit auff nichtige/ falsche namen/ titel vnd gepreng sehen. Wer seinem leibrath der artzney/ seinem gut vnd ehren rath zu dem rechten/ seinem land vnd leuten rath zum Friden vor dem feind lüchet/ der nimt nit in seine rath die allein Artzet/ Juristen vñ kriegsleut heissen/ vñ nichts wenigens wissen oder können/ dan das den artzten/ Juristen vnd kriegsleuten eignet/ ja nichts wissen vñ treiben/ dan gesundheit verderben/ recht verlieren/ vnd land vnd leut den feinden vbergeben. Die kirch Christi ist des reichs Gottes vñ der warheit/ daruñ muß man/ weñ man jre sachen handeln soll/ sehen auff das vermögen vnd thun/ nit auff falschen schein/ nichtig rümen/ vnd vergeblich prangen. Also haben die kirchen jren anfang nach dem Gottes wort gehalten/ vnd zuhalten verordnet/ das zeigen dise vnser hiftouen vberfluffig.

Daß dan E. Ch. F. G. meine lieben brüder vnd getreuwe werckzeug vnd diener/ Philippum Melanthonem/ Martinum Bucerū/ Johañem Pistorium/ Erasimū Sarcerium/ vnd andere/ vnd vnder den selbigen auch mich zu dem werck Christlicher Reformation gebrauchet/ deßhalben sich E. Ch. F. G. widerwertige mit einigem schein des rechtens nit zubeklagen/ dan wir/ Gott lob/ noch weder von jnen/ od⁹ irgend einigem menschen vff erden/ einiger vnchristlicher leer od⁹ verdamten lebens/ vor einigē richter/ vber vnser vilfaltig erbieten beklaget/ ich geschweig vberwunden worden sind. Seind

Das erste
in Christli
cher refor
mation.

Philippus
Melanthon.
Martinus
Bucerus.
Erasmus.
Sarcerius
Johannes
Pistorius.

aber/ Gott lob/ nit allein von vilen lieben kirchen Chrifti/ fonder auch von vilen Gotts-
föchtigen Churfürften/ Fürften vnd Stenden des Reichs/ wie auch von E. Ch. F. er-
keñt vnd befunden/ als die in der warheit das allein lûchen/ das Chriftus vnser Herr bey
jederman recht erkennet werde/ vnd regiere. Vnd die auch (dem Herren/ vnd nicht vns/
zû rhûm gefchriben) zû dem dienft Göttliches worts/ vnnd befferung der kirchen/ vnser
pfund vnnd gaben empfangen haben.

So ifts auch gewiß auß dem Gottes wort/ vnd auch den alten Traditionen/ daß
fie vnser ehen auch müffen laffen ware vñ heilige ehen fein/ auch die zum andernmal ein
gangen feind. Deßgleichen/ daß fie vns auch difer ehenhalb zû dem dienft an Chriftli-
cher reformation mit leeren vnd rathen vnd allem kirchendienft nimmermehr vntaug-
lich fein/ erweisen mögen. Man befehe hieuoñ das 30. Capittel/ lib. 3. im Eufebio/ vnnd
wes ich von der priestererehe zûfamen tragen hab im 10 büch des dritten theils.

Priester ehe

So

)(6^v

Vorrede.

Closterle-
ben.

So wiffen dife leut ja wol/ daß das klofterleben difer zeit alfo fteht/ nit wie zûr zeit Hieronymi/ Chryfoftomi/ Auguftini/ daruon auch hübfches lefen ift daß die vnfern die darumb gewefen/ das haben verlaffen müffen/ weil fie nit Chriftum vnfern HErrn haben verlâugnen wöllen.

Es hat jnen in ohren gethônnet die ftim̄ des Engels/ Hilff du deiner feelen.

Vnd diß alles gründtlich zûerweifen vnd darzûthûn/ vñ nicht allein mit dem Gottes wort/ fonder auch mit dem alten/ eynigen/ waren kirchenrecht/ haben wir vns nûn fo oft erbotten/ vnd erbieten vns des noch/ vor jeder gebûrender verhôr/ in dem wir alweg jnen das vorurtheil wöllen laffen: allein fie kom̄en doch an das liecht/ vñ laffen vns armen diener des HErrn/ ûber jr fo vilfältig klagen einmal gebûrende antwort geben.

Prang der
widerwer-
tigen.

Deßhalben prangen die widerwertigen Chriftlicher reformation/ fouil fie wöllen mit des Bapfts vnd Concilien gewalt/ mit der verwandtſchafft der Suffraganeren/ mit jren Metropolitanen/ oder jedes Clerick mit feinen Biſchoffen/ mit dem das von der ordenlichen prob vnd cramination/ vnd wider die frömbden vnd vnbewerten diener der kirchen gefetzt/ mit dem alten herkommen vnd gemeynem brauch der kirchen/ vnd allem falſchen anklagen wider vnſere perſonen. So werden fie doch auß dem allem mit keinem rechten/ das in der kirchen Chrifti je recht ward/ erwiefen/ daß E. Ch. G. nicht follte fûg vnd recht gehabt/ ja nicht auch pflichtig vnd ſchuldig gewefen fein/ jre Chriftliche reformation fûrzûnehm̄en/ wie fie die fûrgenommen hatt/ auch mit vndanck jren/ vnd jres Bapfts/ auch vns vnd andere die fie darzû willig vnd auß des Herren gnaden etwas dienlich hat befunden/ zû difen wercken zûgebrauchen. Man kan je zû fôlchem thûn niemandt gebrauchen/ der fein kein willen hat/ man gefchweige des vnuermögens: nemlich dieweil E. Churf. G. die jenigen fo vnder difen leuthen haben mögen/ die aller beftwilligen vnd verftändigen vnd erfarniften geachtet werden/ in fôuil weg vnderftanden haben/ zû difem dienft zûuermöge nun daß bei jnen nicht mögen erlangen. Seind fie Chriſten/ feind fie ein Chriftlicher clerus/ fo werden fie diß werck Chriftlicher reformation noch heutiges tags jres beften vermögens vnderftehn zûbefordern/ vnd daran E. Ch. G. mit allen treuwen zûhelffen. Thûn fie das nicht/ fo find fie auch nit Chriſten/ noch ein Clerus Chrifti: fo geht fie auch das wenigft nit an/ das die Canones dem Clern Chrifti zûgeben vnd befehlen. So gebeutet dann von jnen vnſer Ertzhirt/ vnd Biſchoff vnſerer feelen/ der HErr Chriftus/ vnd fagt: Laßt fie faren/ fie feind blinde blindenleyter: alle pflantzung die mein himlîcher Vatter nit gepflantzet hat/ muß doch außgereuttet werden.

Ob Cöllifche refor-
mation wi-
der die Tra-
dition der
kirchen ſei.

Da werden aber dife widerwertige Chriftlicher reformation ſagen/ E. Churf. G. habe in jrer reformation leeren vnd gebrâuch gefetzt vnd geordnet/ wider die Traditionen vnd rechte haltung der kirchen Chrifti/ vnd feien die fie zû difem werck gebraucht hat/ vnd noch brauchet/ verdampfte vnd lâfterliche leuthe/ vnd das wöllen fie wol recht darthûn. Diß reden fie wider jr eygen gewiffen/ vnd alle warheit/ daß wir/ vñ ein jeder Chrift der nach dem heiligen Euangelion vnd Apoſtolifchen gefchriſtten alle vnd dife

Apvelliati
on der Cōl
lischen an
Bapft vnd
sein Lega
ten.

vnfere kirchenhifto^rien/ mit warer Gottsforch^t/ vnnd etwas verftandts geles^en hat/
leichtlich jedem Chriftlichen richter beibringen vnd erhalten mögen. Sie beruffen fich
aber auff den Babft/ oder feinen Legaten/ an den appellieren fie. Jft war/ vn̄ thun auch
daran wie in allem anderm/ das fie wider E. Churf. G. fürgenommen/ offenbar wider
alle recht/ auch das natürlⁱch. Dann notorium vnnd offenbar/ daß in der welt nie
mandt tieffer in aller reformation vnd kirchen verderben fteckt/ dann der Bapft vn̄ fein
hauff: wie difes vil kundſchafften in den zwölff letften bücheren find/ daß auch Chrift
licher Reformation niemandt weniger leiden noch gedulden mag/ niemandt fie auch
graufamlicher widerfechtet/ wa er kan oder mag. Darumb daß auch diß die Ca
noniften erkennen/ allen Canonibus vnnd Legibus/ ja auch natürlⁱcher billichkey^t
zuwider vnnd entgegen fein/ daß der Bapft follte in difen fachen nicht alleyn für fich
felbs richter fein/ Sondern auch nicht eyn Concilium darzû beruffen vnnd halten.

So

)(7^r

Vorrede.

nidus/ der erften vnd größten Concilien/ Niceni/ Conftantinopolitani vnd Chalcedonen
fis/ mit dem Aphricanifchen/ daß das ordentlich gericht/ dahin fie wider E. Ch. G. ap-
pellieren follten/ erftlich allein einem Chriftlichen Cöcilio difer nation/ eignet vñ zuliehet.
Sie appellieren aber auch an die Keyferliche Maieftat/ ja aber mit was gedinge?
fouil jm fein ampt zügibt: welches ampt fo fie limitieren vñ einziehen/ daß der allein exe-
quiern foll was bißher beſchloffen ift. Von wem aber? von Chriſto vnſerm herrn? Den
alten Chriftlichen Concilien? Da hette die Kirch Chriſti vnd E. Ch. G. gewuffen. Sie
meinen aber von jrem Bapft/ vnd derfelbigen verpflichten Concilien. Sie wöllen wie
der Bapft/ daß die Key. Mt. folle deß Bapfts arm fein/ er wil das haupt fein: was er vr-
theilt/ folle die Key. Maieftat. on einige eigē erkañtnuß vñ vrtheil vollftrecken. Dañ der
widerchrift muß ja auch diſe feine eigenſchafft beweifen/ läfterung der Maieftat. 2. Pet.
Sie laſſen aber die ſachen koñen für ein war Chriftlich Conciliū/ nach der ordnung des
heiligen Geiſts/ vnd dem alten kirchenrecht/ von Apoftlen ſelbt/ vnd allweg in den kirchē
gehalten/ da fie Chriftlich regiert wordē ſind/ wie diſe hiſtorien vberflüßig zeugen: ja für
die Key. Mt. Churfürften/ Fürften/ vnnd Stände des Reichs/ allein daß fie die ſachen
auch ſelbs/ wie Conſtantin⁹/ Theodoſi⁹/ vñ andere gethan/ hören vn̄erkennen/ ja für ein
jedes Chriftlich gericht/ das zū erkennen in dieſen ſachen/ vermōge der Canonum/ Le-
gum/ vnd auch natürlchs rechten/ kan oder mag tauglich erkannt werden.
Aber diſe leut/ denē der tod leidlicher ift dañ Chriftliche Reformation/ mögen kein
wares recht noch gericht leiden/ wöllen allein ſchreyen/ ſchelten/ läſtern/ vñ mit gewalt al-
le Chriftliche Reformation abtreiben/ vñ in jrē reformieren iñer fürtfarē/ niemād zū ver-
antwort laſſen koñen/ allenthalbē dz liecht fliehen: dañ jre werck ſind werck d⁹ finſternuß.
Das muß man dem lieben Gott vnd gerechten richter/ auch allen fromen/ waren Chri-
ſten befehlen. Vñ derhalbē auch zū jrer beſtē erkañtnuß bringen/ mit der heiligen ſchrift/
was auch von anfang in den kirchen Chriftirecht gewefen/ vñ noch ift/ vnd von allen wa-
ren Chriſten getrewlich alle zeit gehalten worden ift/ darzū die wermeldten hiſtorien hō-
chlich dienē. Derhalbē ich fie auch deſt lieber jetzt wider in den truck etwas fleißig vber-
ſehen geben/ vñ E. Ch. G. hab zūſchreiben wöllen/ die ob diſem ſo notwendigen vñ recht
Biſchoflichen werck Chriftlicher Reformation/ alfo vil leidet/ vnd in jrem ſo hohem al-
ter alfo ernſtlich bewert wird. Darzū der vnmenſchliche vntrew das meiſte thūt/ die nach
Gott/ was fie ſind/ das meiſte theil von E. Ch. G. haben. Dañ herauß werden die Chri-
ſten wol leſen/ vnd erkennen/ wie fälſchlich vnd vnchriftlich diſe leut wider das heilfame
werck deß Herrē/ Chriftlicher Reformatiō darzū E. Ch. G. ſo feliglich brauchet/ hand-
let/ tauben vñ wūten. Weil aber/ ſo man ein verfallenen baw wil wider recht auffrichtē/
nützlich ift/ eigentlich wiſſen nicht allein deſſelbigē bauws erft form vñ geſtalt/ auch wie
er auffkoñen vñ erbauwet worden ift/ fonder auch wie er in abgang koñen vñ einfalle/
vnd w₃ fein einfallen verurfachet vñ befördert habe: ſo hab ich an vorgemeldte hiſtorien
angehenckt 12. bücher/ in welchen ich neben andern mercklichen wercken vnnd gerichtē
Gottes/ am Keyferthumb/ vnd allerley land der Chriſtenheit/ auch der kirchen beſchwer

Appellatiō
an Keyfer-
liche Mt.Warumb
Euſebius
vnd D. C.
Hedion di-
ſe Chronica
dem Chur-
fürften zū
Cōln zūge-
ſchrieben.
Der Chur-
fürft leidet
von denē/
denen er
guts ge-
than.
12. Bücher

liche zufäll/ abgang vñ einfallen/ auß allerley glaubwürdigen hiftorien zufammen getra-
gen vnd befchrieben.

Von der zeit an als man zalt von der geburt Chrifti 400. biß auff die zeit 1545. In
welchen hiftorien ich zwo fůrneme vrfachen befunden/ alles abgangs vnd zerfallens des
hauß Gottes/ der Chriftlichen Kirchen. Die eine/ der welt gewliche vndanckbarkeit ge-
gen den theuriften gnaden vñ gaben Gottes/ dem heiligen Euangelio vnd reich vnfers
Herrn Jefu Chrifti/ das der welt vndanckbarkeit nach fo langwiriger graufamer verfol-
gung/ die alles vnferre hiftorien bezeugen/ gewehrt hat biß in die 300. jar.

Dañ die edicten wider die Chriften nie biß auff Conftantinū auffgehoben worden
find/ wie fie nū auch fich nit wöllē laffen abthůn (biß fie etwa der Tůrck abthůe.) Dañ
ein groffer theil allein mit dem mūd angenomē vñ bekeñt/ aber feine krafft/ doch iñer
zufuil erfchrůcklich mit allerley fůnden vnd laftern verleugnet hat. Vñ ob wol der Herr

in

dem Eufe-
bio vnnd d⁹
Tripatite
angehēckt.
3wo vrfa-
chen alles
verfallens
des hauß
Gottes.

Edict wid⁹
die Chriftē.

)(7^v

Vorrede.

in dem auch vil herrlicher warer kirchen vñ Chriſten in der welt gehabt/ die auch die wol-
verdiente raach Gottes der vbrigen welt lang auffgehoben haben: So iſt doch der grōß-
ſer theil in allen ſtenden/ bald auch vnter den fürgeſetzten der kirchen ein jeder anff [sic] ſeine
weg abtreten/ vnd hat nach ſeinen böſen lüſten vnd begirden vom Herren gehüret. da-
uon in der Tripartiten hiſtorien ſchon vil gemeldet wird/ das vbrig hab ich in meinē 12.
büchern hinzūthan. Da dañ die weltherren vnd volck/ Pfaffen vnd Laien/ die maß jrer
gottloßheit erfüllet/ hat Gott ſeinē zorn vber ſie gantz erfchröcklich außgoffen/ mit vn-
erhörtem/ grewlichē einfallen/ verderben: erſtlich durch die Gothen/ demnach durch die
Wenden/ deñ durch die Longobarder/ vnd andere wilde/ tyranniſche vöcker/ welches ge-
weret hat vom 380. jar/ biß auff das 720. jar.

Diefe haben die kirchen (wie ſie dann den mehrertheil entweder gar on Chriſten/
oder aber mit böſen ketzereyen behafftet gewefen) jemerlich verſtört/ das Göttlich ſtudie
ren außgelöſchet/ vnd alle kirchenzucht verwüſtet. Daher die religion Chriſti in vielen
landen verfallen/ daß die leut in etlichen landen/ vñ befunders bey vns Teutſchen/ ſchier
gar wider zū Heyden worden ſind: wie das in den Epiftlen zū den zeiten Bonifacij/ vnd
in meiner angehenckter Chronicbücher zūleſen iſt.

Die ander
vrfach das
verderbēs
der kirchē.

Demnach ſind die Francken komē/ dieſelbigen haben/ nachdem ſie vberhand ge-
nomē/ vnd gantz Teutſchland mit gantz Gallia/ vnd zum theil auch Hiſpanien/ dem-
nach auch Italam mit dem Keyſerthuñ erlangt/ die ander vrfach des jemerlichen ver-
derbens der kirchen einbracht: Daß ſie nemlich die Biſchoffe vō jren kirchen geſtoffen/
in die höſe vnd regirgeſchafft gezogen: dañ den kirchen vnd alfo Biſchofflichen verwal-
tungen vil land vnd leute zūgeſtellt. Damit ſind die oberſten feelforger mit der zeit von
jrem dienſt der ſelbig von der leer vnd zucht Chriſti gantzlich abgezogen/ weltlich vñ vp-
pig worden/ welches ſchon zū den zeiten Gregorij vñ die jar 600. angefangen/ wie er in
vilen Epiftlen an die kōnig in Francken vñ andere klagt. Da dañ heupter des Cleri ver-
derbt/ hat es wol auch bey dē and^{en} Clerickē alles zū grūd müſſen gehn. Diß iſt die ander
fürnehmſte vrfach des einfallēs vñ verderbens der kirchē gewefen. Solle nū den kirchē wi-
deruñ geholffen/ vñ ^o baw Gottes wideruñ auffgericht werdē/ ſo müſſe warlich auch
dieſe beide vrfachē hingenomē werdē. Erſtlich müſſen wir alle vnſer Oberen/ Prieſter/
vñ alles volck/ wie wir leider alle zūmal vō Herrē abgefallē/ vñ jm den ruckē gekert/ vns
wider zū jm bekeerē in warer hertzlicher reuw/ vñ thätlichem abtand vō den ſündē/ mit
ernſtem betten vnd flehen durch vnſern Herren Jeſum Chriſtum/ vnd gantzlichſtem er-
geben vmb ſein gnad/ in alle ſeine gehorfame vnter ſein Gottfelig joch ſeins heiligen E-
uangelij/ von gantzem hertzen annemē/ demſelbigē nach bey vns vnd vor allem in den
kirchen ſachen. Dañ aber auch in allem andern gemeinem vñ befunderem thūn/ anſtel-
len vñ reformieren/ ſo werden wir wider des Herren ſchäſle vnd volck/ vñ er vnſer Hirt
vñ Gott ſein. Vnd wird er der recht Ertzhirt/ der auch allein die waren getreuwe Apo-
ſtlen/ Propheten/ Euangeliſten vñ leerer zūgeben hat/ vns wider mit war getrewen vñ
täglichen hirtten vñ feelforgern verſehen/ vñ durch die ſeine herd recht verſamlen/ bewa-

Weg dē kir-
cen wider
uñ zūhelf-
fen.
Der erft.

ren vñ weyden: vnd an feinem Hauß vñ heiligen tempel was verfallen ift wider auffri-
chten: was zerbrochen/ wider machen/ was verwüftet/ wider zů ehren bringen vnd zieren.
Der ander || An dem hanget aber das ander/ wie das E. Ch. G. weißlich vñ notwendiglich pfe
weg. || gen zů fagen/ daß das geiftlich von weltlichen werde gefcheiden/ regieren recht vnd ver-
walten die kirchen/ land vnd leut/ vnd güter/ die einmal darzů koñen/ vnd die diß amt
freilich mehr dañ von Gott/ der allein alle herrfchafften vñ gewalt endert vñ verordnet/
empfangen habē. Man fehe aber darneben/ daß den kirchen auch jre/ vñ fólche diener ver-
ordnet werden/ die dem geiftlichē allein vñ gantzlich obliegen/ die die feelforg mit höchstē
treuwen vnd rechtem eyfer verfehen/ anderft mag den kirchen nicht geholffen werden.
Diß ift die ordnung deß Herren/ die wird er vmb vnfer willen nicht enderen. Al-
fo hat er feine Kirch erftlich verfamlet/ erbauwet/ erweitert: vnd weñ fie etwas verfallen
gewefen/ widerbracht vñ reformiert: wie es dañ vnfer kirchenhifloriē gantz eigentlichen
anzeigen

)(8^r

Vorrede.

anzeigen vnd darthun. Das wort deß Herren muß ja ftehn bleiben/ Wie können sie dan anruffen/ an den sie nicht glauben? Wie können sie an den glauben/ von dem sie nichts gehört haben? wie können sie aber hören on einen prediger? wie können sie dañ predigen/ wa sie nicht gefandt werden? Die aber der Herr fendet/ vnd zů difem feligen dienst verordnet/ vnnd die jm in difer ritterfchafft vnd in difem kampff getreuwlich wóllen dienen/ 2. Timoth. 2. die müffen sich warlich in keine gefchefft der zeitlichen narung fchlagen/ wie der Apoftel fag: fonderen müffen jnē das allein laffen angelegen fein/ vn̄ forgen/ wie sie getreuwe diener deß Herren erfunden werden/ vn̄ jm wolgefallen/ daß sie hingangē vnd vil frucht bringen/ vnd jre frucht bleibe/ damit der Vatter im Himel geprifen vnd herrlich gemacht werde. Nun/ vnfer Ertzhirt vnd Bifchoff vnferer feelen Chriftus/ der wólle vns allen geben feinen vnnd vnfern Gott vnd Vatter im Himel/ den Herrn der Erndten/ getreuwlich on alles nachlassen bitten/ vnd anruffen/ daß er vil fólche diener in feine Erndte wólle außfenden. Der wólle auch feine Herd erretten von den falfchen Hirten/ die sich felbs/ nicht die Herd weiden: die das Fett metzgen/ vnd das fleifch effen/ sich mit der Woll bekleiden/ das verloren nicht fúchen/ das jrrig nicht widerbringē/ das zerbrochen vnnd fchwach verderben laffen. Er wólle/ wie er treuwlich verheiffen/ difer tiranney vber feine Schaff bald ein end machen.

Er wólle vnfern Heuptern ein fólchen fiñ vnd gemúť geben/ wie er E. Ch. G. verlihen/ daß sie ein mal recht zůhertzen fúren/ daß Chriftus vnfer Herr allein/ allen gewalt hat im Himel vnd erden/ vnnd daß fein joch kómlich vnnd gút/ vnd fein laft nicht fchwehr ift. Daß man sich von Chriftlicher reformation nichts deñ aller gnaden vnd fe gen Gottes gewißlich zůgetróften hat/ in zeitlichē vn̄ geiftlichen/ nicht eyniges vnrats zůbefahren. Damit sie sich kein lift noch tratzen des widerchriſts jrren laffen/ vn̄ sich ein mal von gantzem hertzen keeren/ zů jm vnferm eynigē Herren Gott vnd Heiland ftanden mit recht Fúrtlicher beftendigkeit/ weilzeit auff die wege/ wie der Herr durch feinen Propheten ermanet/ fehen vnd fragen felbs nach den alten wegen: vnd welches der gúte weg feye/ daß sie in demfelbigen felbs wandlen táglich/ vnnd die jren/ das volck Gottes jnen vertrauwet/ das auch Gott von jren henden erfordern wird/ darauff mit allen treu wen fúren/ damit sie auch jren feelen vnd den jren nütze.

Wir haben den Herren alle zůlang getrutzet/ deren feind vil zůuil bey vns Teuſtchen/ die jm entbotten haben/ Wir wóllen nicht daß er vber vns regiere. Nun fagt der fromē/ weiße Kónig vnd Prophet Daud/ dabey wird es auch bleiben: Nun jr Kónige handeln klüglich/ laßt euch weifen jr Richter der erdē. Dienend dem Herren in forcht/ vnnd frolockend jhm mit zittern: küffet den Son/ das ift/ erkennet jn fúr euern Kónig vnd Herren/ damit er nicht zúrne/ vnd jr verderbet/ fo fein zorn als bald anbrennet. wol denen die auff jn vertrauwen.

Der wólle auch E. Ch. G. in feinē werck gnedigklich ftercken/ den Sathan jr zů fúffen legen. Wer fein ift in jrem Clero vnd volck zů Cóln/ vnd im ganten Stiffť/ auß aller jrrthumb vn̄ fchwachheit des fleifchs fúren/ vnd alfo zůftercken/ daß sie zů E. Gh.

Rom. 10.

1. Cor. 4.

Johan. 16.

Falfche hir
ten.Fromē im
Stiffť
Cóln.

G. jrem getreuwen Vatter vnd Hirten getroft treten/ vnd jr das angefangen so heil-
sam/ notwendig werck Chriftlicher reformation helffen außfñren.
Es ift on das vor langem der Cõlnifche genañte Clerus vil zũuil vor andern be-
fchreit des vnwiſſens/ des fleifchlichen/ vnzũchtigen lebens/ der vilfeltigen vn̄ gantz greu-
lichẽ gõtzendienften/ d⁹ feindſchafft vnd widerftand/ gegen allẽ rechten wiſſen vn̄ thũn.
Vor vier hundert jaren/ hat Hildegardis ein klofterjungfraw/ deren S. Bern⁸
hard des Prophetifchẽ geifts/ zeugnuß gibt/ vnder anderm zũ difem Clero zũ Cõln alfo
gefchriben/ von den zukũfftigen trũbfalen d⁹ Kirchen: Clerici Colonienſis volunt glo-
riam & honorem habere ſine merito, & meritum ſine opere. das ift: Die Clerici
zũ Cõln wõllen glori vnd ehr haben on verdienft/ vnd den verdienfton das werck/ 7c.
Der liebe Gott wõlle geben/ daß vn̄ter difem Clero nun mehr vil entftandẽ/ die
diß böß lob in ein gũts verendern/ daß wie E. Ch. G. gegeben vn̄ter den Biſchofen der
erft

Hildegardis
lebet
zur zeit Fri-
derici des
1. M. C.
lxxx.

)(8^v

Vorrede.

erft zůfein/ daß sie auch also die erft Clericey feien/ die das widerchriftlich verderben ver
lassen/ vnd nun mehr recht wideruñ anhelffen predigen/ vnd zůfördern in allem/ nach
allen gaben vnd vermögen/ fo jnen der Herr verlihen das felige reich vnfers Herrn Je-
su Chrifti/ ehe daß der zůuil lang vnd woluerdienten zorn Gottes wider sie anbreñe vñ
Pfaff vñ volck auffresse: wie der warhafftig Gott fo ernstlich in seinē Propheten drōu-
wet/ vnd wie es mit allen den Landen/ fonderlich auch fo vilen herrlichen Kirchen vnd
Vólckern gangē ist/ durch die Gothen/ Wenden/ Hünen/ Sarracener/ Türcken/ vñ
andere fólche greuwliche Vólcker/ wie man das hie zůlesen hat in vnser Hiftora: vnd
wie wir auch das erfchrócklich exempel diser zeit in Vngern/ da auch vil reicher mechti-
ger/ ftoltzer Prelaten vnd Clerick gewesen feind.

Er/ der Barmhertzig gütig Gott/ der nicht wil den tod des sünders/ funder daß
er sich bekere vñ lebe/ wöll vns allen gnediglich verleihen/ das wir die zeit vnserer heim-
súchung bey zeiten erkennen/ vnd die angebotten gnad als bald annehmen/ vnd nicht ver-
geblich/ damit wir feinen ja komenden zorn entfliehen/ vnd sein volck sein/ vnd bleiben/
jn preisen vnd groß machen mögen. Darzů wölle er E. Ch. G. lang friften/ vnd sein
werck in jren henden scheinig machen/ Amen.

E. Churf. G.

allzeit vndertheniger Caspar Hedion/ Doctor zů Straßburg.

Zum Lefer.

WAs ich auff diß mal in meinen 12. Búchern/ an die Tripartiert Hiftoria gehenckt hab/
das ist in groffer eyl/ innerhalb sechs Monat/ zůsamē getragen/ auß fo gúten Bú-
chern/ als ich die hab bekomē mögen. Deß wóllest du dich zůr betterung gebrauchē. Auch
nimmermehr in vergeß ftellen/ daß einē jeden bidermañ nach seiner maß/ Gottes ehr/ Chrift-
licher gemeiner nutz/ ware reformation der Kirchen/ des Vatterlands wolfart/ je lenger je
vester foll angelegen sein. Vnd wa du je nit willēs bist ferrer zůlesen/ fo besihe doch fleißig
den inhalt je des Búchs von den 12. im dritten vnnd letften theil/ fo wirftu mir gewißlich
dancklagen. Die gnad vnfers eynigen Heilands Jesu Chrifti fey mit dir/ Amen.

Jnnhalt eines jeden capitels des erften Búchs/ Hiftorie

Ecclesiaft. Eufebij.

DAß Gott der Herr ein erfchöpfper vnd verwalter aller ding fey/ vnd daß von jm
im Geletz vnd Propheten geschriben fey. Das j. Capitel.

Von der zeit der geburt Chrifti/ dem fleisch nach. Das ij. Capitel.

Von Juda Galileo/ vnnd Theud. Das iij. Capitel.

Von Herode/ der als ein frómdling zům Kónigreich komē ist. Das iiij. Capit.

Daß zůr zeit Herodis nach Daniels prophecey/ die succellion der Kónig ist verend-
ert worden. Das v. Capitel.

Daß das geburtregister anders steht beim Mettheo/ denn beim Luca/ vnnd was

Aphricanus daruon sag: Das vj. Capitel.

Vom tod der kinder zů Bethlehem/ vñ der Weifen gegēwertigkeit. Das vij. Cap.

Von der pein Herodis/ der die kinder hat laffen tōdten. Das viij. Capitel.

Von Herodis graufamkeit die er vor seim tod begangen hat. Das ix. Capitel.

Wom reich Archelai nach Herode. Das x. Capitel.

Das die Acta die die Jůden herfür bringen/ nichts find/ vnnd diß auß zeugnuß Jo-
sephi/ vnd gleichftimung der zeit bestritten wůrd. Das xj. Capitel.

Daß vom Bischoff Aña biß auff Caipham/ vier Bischoffe gewesen seind/ vñ jr je-
der ein jar Bischoff gewesen/ in welchē jaren die predig Chrifti erfüllt ist. Das xij. Cap.

Vom tōffer Johaņe zeug. Jofephi/ vñ wie er sagt: daß Johaņes sey ein froñ mañ
gewesen: vñ daß vō wegen Johaņis tod/ der raach vber die Jůdē gangē ist. D3 xij. C.
Zeugnuß Jofephi von Chriřto. Das xiiij. Capitel.

Hiftory vom Kōnig Abgaro/ das exempel der Epiftel Abgari an den Herren Je-
sum / vnnd Jefu an Abgarum. Auch ferrer von denen dingen die auß Syrer sprach
vertolmetfchet find. Das xv. Capitel.

)(X1^v (242)

242

Dem Ehrnueften vnd Edlen/

E

Herrn Dieterichen Römerer von Worms/ genaht
von Dalberg/ meinem gebietenden, fonders gñnfti-
gen/ gnädigen Herrn/ Caſpar
Hedio.

Gottes Gnad vnnd Fried durch Chriſt

tum Jefum. Nach dem ich in Teutſch bracht

habe die Eilff Bücher der alten Chriſtlichen

Kirchen/ die genannt werden Hiſtoria Eccleſi-

F

aſtica Eufebij/ in willens nutz zuſchaffen den

einfeltigen Chriſten/ ſo auß vnerfarung ſchwerlich anlauf-

fen/ hab ich fürter verteutſcht die Hiſtoria Eccleſiaſtica Tri-

partita genannt/ von Theodoreto/ Socrate/ vnd Sozome-

no/ ſo erſtlich in Griechiſch/ darnach in Latin beſchrieben iſt.

Damit der Chriſtlich Leſer hette in der erſten zu leſen vnd er-

wegen/ was ſich verlauffen habe nach der Auffart vnſers

Herrn Jefu/ da Gott die feinen bekleidſt hat mit krafft von

oben herab/ daß ſie zeugen weren des Euangelij vom Reich

G

Gottes in aller Welt/ wie die Chriſtlich Kirch worden/ vnd

wie ſie in trübfal vnd verfolgung gewachſen iſt. Darnach in

der andern/ was vnder den Römischen Keyſern/ deren etliche

dem auffgehenden Euangelio fürderlich/ etliche zu wider ge-

wefen/ fůrgangen ſey. Auch was bey den Perfern vnd Bar-

bern ſich verlauffen hab/ vnd wie die frommen lieben Chri-

ſten vberall in groffer verfolgung bekennen blieben ſind/ vnd

die Königreich durch jhren Glauben vberwunden haben.

Denn ob ſchon Sapores/ der Perfer König/ daruon im drit-

ten Buch dieſer Hiſtory ſtehet/ der in kurtzer zeit bey ſechtze-

H

hen tauſent Chriſten vmbbracht/ vnd andere mehr gröblich

gewütet/ vñ gantze Stett erößt haben/ noch dennoch iſt Chri-

ſtus der Welt obgelegen/ die warheit der lügen/ in feinen auß

erwelten/ ſo mit jhrem blüt die warheit Gottes bezeuget/ Al-

ſo/ daß in jrem tod/ der allweg gröffer gewefen/ der die feinen

beſchirmet/ vnd im tod zum leben erhaltet/ denn der ſie ver-

folget/ vnd gar vmbzubringen vnterftanden hat. Denn ihr

leben

)(X2^v (243)

- Vorrede. 243
- A leben war vnd bleibt mit Chriſto in Gott verborgen/ das kein zeitlicher gewalt daſelbſt verletzen kan. In welchem vnſer krafft vnd lieg wider die Welt beſtehet. Mich hat auch zu dieſer arbeit verurfacht/ damit ich meins kleinen vermögens zu nutz dem einfeltigen Leſer bekannt machte/ was ſich in den alten Kirchen/ vnd fürnemlich in Concilien zūgetragen hat. Daruon denn dieſes Buch eben viel ſagt. Es ſind warlich dazumal groſſe vnd mancherley ſpaltung vnd opinionen gewefen/ wie auch dieſer zeit/ vnd jede part hat ſich beſchliſſen/ die
- B Fürſten vnnd Keyſer auff jhr leit zu bringen/ damit ſie deſte ſtercker vnd vnwidertrieblicher weren. Wie das zum Reich Chriſti gedienet habe/ werdet jhr wol bedencken/ ſo jhr beſedencket/ daß vnſer Euangelium/ die krafft Gottes/ verſtendnis ſeins willens/ vnd trieb des heiligen Geiſts/ denn die Welt nit weiß/ aber ſalt gern vnſerſtehet zu richten. Nicht ſage ich/ daß darumb jedem ſolte ſein freuel geſtattet werden. Denn Chriſtlich lieb tregt ſorg für die einfeltige gemeine Gottes/ ſon dern ich begerte/ daß man vnſerm HErrn Jeſu Chriſto im heiligen Geiſt ſein ampt ließ vnuerhindert bleiben. Wie denn vnzeitiger fleiß mehr ſchaden weder nutz bringet/ vorab/ ſo jemand vber ſein gemessenen beſehl ſich anmaſſet zuthun vnnd zu vrtheilen/ das auch ſein vermögen vn verſtand vbertrifft.
- C Es werden auch tringliche vrfachen in dieſem Buch angezeiget/ der einreiffenden jrrthumb. In dem allenthalben geſehen wird/ daß viel gröſſer fleiß iſt von lehren vnd beſchluſſenden zu handeln/ denn der Lehr zu geleben/ vnd zupreifen das Creutz Chriſti in gewarſamer einfalt. Dazū der Ketzzer mutwill vnd freuel gefüret hat/ vnd die lieben Vätter haben etwann Menſchliche gegenwehr gethan/ vnnd ſich zu weit in zanck eingelaffen/ das zu vmbſtürtzung der warheit/ vnd verwirrung vieler gemüter gereicht hat/ Alſo/ daß der Biſchoff zancken in gemeinen hauffen kommen/ vnd zuletzt mit jhn verwicklet hat die frommen Keyſer/ die getrewlich gehandelt vnd offt mehr fleiß angekeert/ den glauben zu befriden/ weder daß ſie die Geiſtliche händel verſtanden haben. Deßhalben jhr ernſt vns ein Exempel/ aber jhres fürnemmens vnglücklicher außgang allen guthertzigen ein warnung/ vnd vns al-
- X ij len

)(X2^v (243)

244 Vorrede.

len ein vermanung sein mag/ daß wir deste baß auff Concor-
 di vñ einigkeit gegen einander handeln/ je einer zur befferung
 dem andern weiche/ jederman der warheit ftatt gebe/ vnnd
 ernstlich dahin alle sachē richte/ daß Chriftus allein groß wer-
 de/ es gefchehe ja durch vnfern todt oder leben/ durch vnfern
 preiß oder schmach/ böß oder gut gerüchte/ wie sich denn de-
 nen geziemen wil/ die nicht gefehen werden sollen/ vergeblich
 die Gnad Gottes empfangen haben. Denn von Chriftlichen
 händeln außerhalb Chrifto/ vnnd nach Menschlicher ver-
 nunfft reden/ gebürt wol ein schein der Gottfeligkeit/ aber die
 warheit mag es nimmer erreichen. Ja viel mehr/ so verwü-
 ftets der gelassenen hertzen vnschuld vnd reinigkeit/ darinn
 Gott allein gefehen wird. Jft also mein bitt an euch/ daß jhr
 euch in solchen Hiftorien bekümmern/ vnd ja annehmen wöl-
 let/ darauß zu erkündigen/ wie vnd was weg zu vnfern zeiten
 einigkeit vnter den guthertzigigen erhalten werden möge. Sei-
 temal jhr sonft zwitracht auch auff ewern kosten hinzulegen/
 zwischen menniglich befliffen sein/ vnnd ab diser zeit spaltung
 hohe beschwerde tragen/ als der die Göttlichen händel felbs
 richten kan/ darein der Satan sein famen/ das ist/ Eyfer vnd
 zanck gemischet hat/ wie allweg/ seittemal wir die Meifter-
 schafft/ so Chriftum allein angehört/ vns gern zůschreiben/
 welches den alten nit kleine vnruhe bracht hat. Wollen also
 euch/ wie bißher/ Göttlich ehr angelegen/ vnd mich euch be-
 fohlen sein lassen. Hiemit Gott dem Allmechtigen befohlen/
 der vns alle durch Chriftum Jefum im heiligen Geift sei-
 nes willens vnderweisen/ vnd dem zugeleben verlei-
 hen wölle/ Amen. Gegeben zu Straß-
 bueg/ 1529. jar.

E

F

G

Caffio